

呂氏春秋

桐城吳先生羣書點勘子部之八

呂氏春秋

呂氏春秋總目

孟春紀第一

孟春 本生 重己 貴公 去私

仲春紀第二

仲春 貴生 情欲 當染 功名 一作由道

季春紀第三

季春 盡數 先已 論人 園道

孟夏紀第四

孟夏 勸學 一作觀師 尊師 誣徒 一作詆役 用衆 一作善學

仲夏紀第五

仲夏 大樂 侈樂 適音 一作和樂 古樂

季夏紀第六

季夏 音律 音初 制樂 明理

孟秋紀第七

孟秋 蕩兵 一作用兵 振亂 禁塞 懷寵

仲秋紀第八

仲秋 論威 簡選 決勝 愛士 一作慎窮

季秋紀第九

季秋 順民 知士 審己 精通

孟冬紀第十

孟冬 節喪 安死 異寶 異用

仲冬紀第十一

仲冬 至忠 忠廉 當務 長見

季冬紀第十二

季冬 士節 介立一作立意 誠廉 不侵 序意一作廉孝

右十二紀

有始覽第一

有始 名類一作應同 去尤 聽言 謹聽 務本 諭大

孝行覽第二

孝行 本味 首時一作省時 義賞 長攻 慎人一作順人

遇合 必已一作本知 又作不遇

慎大覽第三

慎大 權勳 下賢 報更 順說 不廣 貴因 察今

先識覽第四

先識 觀世 知接 悔過 樂成 察微 去宥 正名

審分覽第五

審分 君守 任數 勿躬 知度 慎勢 不二 執一

審應覽第六

審應 重言 精諭 離謂 淫辭 不屈 應言 具備

離俗覽第七

離俗 高義 上德 用民 適威 爲欲 貴信 舉難

恃君覽第八

恃君 長利 知分 召類 達鬱 行論 驕恣 觀表

右八覽

開春論第一

開春 察賢 期賢 審爲 愛類 貴卒

愼行論第二

愼行 無義 疑似 壹行 求人 察傳

貴直論第三

貴直 直諫 知化 過理 壅塞 原亂

不苟論第四

不苟 贊能 自知 當賞 博志 貴當

似順論第五

似順 別類 有度 分職 處方 愼小

士容論第六

土容 務大 上農 任地 辯土 審時

右六論

呂氏春秋卷第一

孟春紀第一 本生 重已 貴公 去私

一曰孟春之月日在營室

營室北方宿

昏參中旦尾中

參西方宿尾東方宿是月昏旦時皆中於南方

其日

甲乙其帝太皞其神句芒其蟲鱗其音角律中太族其數八

太族陽律也

其

味酸其臭羶其祀戶祭先脾東風解凍蟄蟲始振魚上冰獺祭魚候鴈

北天子居青陽左个

東向堂北頭室也

乘鸞輅駕蒼龍載青旂衣青衣服青玉食

麥與羊其器疏以達

疏鏤通達

是月也以立春先立春三日太史謁之天子

曰某日立春盛德在木天子乃齋立春之日天子親率三公九卿諸侯

大夫以迎春於東郊還乃賞卿諸侯大夫於朝命相布德和令行慶施

惠下及兆民慶賜遂行無有不當迺命太史守典奉法司天日月星辰

之行宿離不忒無失經紀以初爲常

星辰宿度司知其度

是月也天子乃以元日祈

穀于上帝乃擇元辰天子親載耒耜措之參于保介之御閒

元善也擇善辰之日載耒

耜之具於籍田致于保介之閒施用之也

率三公九卿諸侯大夫躬耕帝籍田

天子籍田千畝以供上帝之粢盛

天子三

推三公五推卿諸侯大夫九推反執爵于太寢三公九卿諸侯大夫皆

御命曰勞酒是月也天氣下降地氣上騰天地和同草木繁動王布農

事命田舍東郊

命農大夫舍止東郊

皆修封疆審端徑術

端正其徑路

善相丘陵阪險原隰

阪險傾危也廣平曰原下溼曰隰

土地所宜五穀所殖以教道民必躬親之田事既飭先定

準直農乃不惑是月也命樂正入學習舞乃修祭典命祀山林川澤犧

牲無用牝禁止伐木無覆巢無殺孩蟲胎夭飛鳥無罽無卵

麋子曰天鹿子曰麋

無

聚大衆無置城郭擄鬻羸馱是月也不可以稱兵稱兵必有天殃兵戎

不起不可以從我始無變天之道無絕地之理無亂人之紀孟春行夏

令則風雨不時草木早槁國乃有恐行秋令則民大疫疾風暴雨數至

藜莠蓬蒿竝興行冬令則水潦爲敗霜雪大入擊首種不稼穡不成熟

孟春紀

二曰始生之者天也養成之者人也能養天之所生而勿撓之謂之天

子天子之動也以全天爲故者也天性也故事也此官之所自立也立官者以全

生也生性也今世之惑主多官而反以害生則失所爲立之矣譬之若修

兵者以備寇也今修兵而反以自攻則亦失所爲修之矣夫水之性清

土者扣之故不得清人之性壽物者扣之故不得壽扣亂也物也者所以

養性也非所以性養也今世之人惑者多以性養物則不知輕重也不

知輕重則重者爲輕輕者爲重矣若此則每動無不敗以此爲君悖以

此爲臣亂以此爲子狂三者國有一焉無幸必亡今有聲於此耳聽之

必嫌嫌快也已聽之則使人聾必弗聽有色於此目視之必嫌已視之則

使人盲必弗視有味於此口食之必嫌已食之則使人瘖必弗食是故

聖人之於聲色滋味也利於性則取之害於性則舍之此全性之道也

世之貴富者其於聲色滋味也多惑者日夜求幸而得之則遁焉

遁流逸不能自

禁也

遁焉性惡得不傷萬人操弓共射其一招招無不中

招擗的也

萬物章章

以害一生生無不傷以便一生生無不長故聖人之制萬物也以全其

天也天全則神和矣目明矣耳聰矣鼻臭矣口敏矣三百六十節皆通

利矣若此人者不言而信不謀而當不慮而得精通乎天地神覆乎宇

宙其於物無不受也無不裹也若天地然上爲天子而不驕下爲匹夫

而不慤

慤悶也

此之謂全德之人貴富而不知道適足以爲患不如貧賤

貧賤之致物也難雖欲過之奚由出則以車入則以輦務以自佚

人引車曰輦

命之曰招鑿之機肥肉厚酒務以自彊命之曰爛腸之食靡曼皓齒鄭

衛之。音。務。以。自。樂。命。之。曰。伐。性。之。斧。三。患。者。貴。富。之。所。致。也。故。古。之。人。有。不。屑。貴。富。者。矣。由。重。生。故。也。非。夸。以。名。也。爲。其。實。也。則。此。論。之。不。可。不。察。也。

本生

三曰。鍾至巧也。人不愛鍾之指而愛己之指。有之利故也。人不愛崑山之玉。江漢之珠。而愛己之一蒼璧小璣。有之利故也。今吾生之爲我。有而利我亦大矣。論其貴賤爵爲天子。不足以比焉。論其輕重富有天下。不可以易之。論其安危。一曙失之。終身不復得。此三者有道者之所慎也。有慎之而反害之者。不達乎性命之情也。不達乎性命之情。慎之何益。是師者之愛子也。不免乎枕之以糠。師警是蠱者之養嬰兒也。方雷而窺之于堂。有殊弗知慎者。夫知弗慎者。是死生存亡。可不可未始有。

別也未始有別者其所謂是未嘗是其所謂非未嘗非是其所謂非非
其所謂是此之謂大惑若此人者天之所禍也以此治身必死必殃以
此治國必殘必亡夫死殃殘亡非自至也惑召之也壽長至常亦然故
有道者不察所召而察其召之者則其至不可禁矣此論不可不熟使
烏。獲。疾。引。牛。尾。尾。絕。力。勸。而。牛。不。可。行。逆。也。勸讀曰單單盡也使五尺豎子引其
橐而牛怨所以之順也世之人主貴人無賢不肖莫不欲長生久視而
日逆其生欲之何益凡生之長也順之也使生不順者欲也故聖人必
先適欲適猶節也室大則多陰臺高則多陽多陰則歷多陽則痿此陰陽不
適之患也是故先王不處大室不爲高臺味不衆珍衣不燂熱燂讀曰賣厚也
燂熱則理塞理塞脈理閉塞也理塞則氣不達味衆珍則胃充胃充則中大鞔鞔讀曰邁
不勝食氣爲邁病也中大鞔而氣不達以此長生可得乎昔先聖王之爲苑囿園

勞形若太冲三都賦所云
習步頓以實下之類

池也足以觀望勞形而已矣其爲宮室臺榭也足以辟燥溼而已矣其
爲輿馬衣裘也足以逸身煖骸而已矣其爲飲食醢醢也足以適味充
虛而已矣其爲聲色音樂也足以安性自娛而已矣五者聖王之所以
養性也非好儉而惡費也節乎性也

重己

四曰昔先聖王之治天下也必先公公則天下平矣平得於公嘗試觀
於上志

上志古記也

有得天下者衆矣其得之以公其失之必以偏凡主之立

也生於公故鴻範曰無偏無黨王道蕩蕩無偏無頗遵王之義無或作
好遵王之道無或作惡遵王之路天下非一人之天下也天下之天下
也陰陽之和而不長一類甘露時雨不私一物萬民之主不阿一人伯禽
將行請所以治魯周公曰利而勿利也

利民勿自利

荆人有遺弓者而不肯索

曰荆人遺之荆人得之又何索焉孔子聞之曰去其荆而可矣

言人得之而已何必

也荆老聃聞之曰去其人而可矣故老聃則至公矣天地大矣生而弗子

成而弗有萬物皆被其澤得其利而莫知其所由始此三皇五帝之德

也管仲有病桓公往問之曰仲父之病矣

當依莊子作仲父之病病矣

漬甚國人弗諱

漬亦

也病寡人將誰屬國管仲對曰昔者臣盡力竭智猶未足以知之也今病

在於朝夕之中臣奚能言桓公曰此大事也願仲父之教寡人也管仲

敬諾曰公誰欲相公曰鮑叔牙可乎管仲對曰不可夷吾善鮑叔牙鮑

叔牙之爲人也清廉潔直視不己若者不比於人一聞人之過終身不

忘勿已則隰朋其可乎隰朋之爲人也上志而下求

志上世賢人也求猶問也

醜不若黃帝而哀不已若者

曰醜其德不如黃帝不如己者欲教育訓厲使與己齊也

其於國也有

不聞也其於物也有不知也其於人也有不見也勿已乎則隰朋可也

夫相大官也處大官者不欲小察不欲小智故曰大匠不斲大庖不豆
大勇不鬪大兵不寇桓公行公去私惡用管子而爲五伯長行私阿所
愛用豎刀而蟲出於戶人之少也愚其長也智故智而用私不若愚而
用公曰醉而飾服飾讀曰勅日飲而欲整喪紀私利而立公貪戾而求王舜弗能爲

貴公

五曰天無私覆也地無私載也日月無私燭也四時無私行也行其德
而萬物得遂長焉黃帝言曰聲禁重色禁重衣禁重香禁重味禁重室
禁重不欲崇侈堯有子十人不與其子而授舜舜有子九人不與其子而授

禹至公也晉平公問於祁黃羊曰南陽無令其誰可而爲之祁黃羊對
曰解狐可平公曰解狐非子之讎耶對曰君問可非問臣之讎也平公
曰善遂用之國人稱善焉居有閒平公又問祁黃羊曰國無尉其誰可